

NILAI INSAN

Seloka Boros dan Jimat

Katakanlah kau ada ...

Emas bertimbun,

Ataupun beras berguni, berkampit, berkarung

Wang penuh di gedung, padat di kantung.

Tetapi jika ditabur habur, diborosi,

Semuanya segera juga akan habis pergi.

Walaupun beras, tak terbilang ulasnya,

Akan timpas juga, tak tinggal sebiji.

Begitulah tetap akan akibatnya,

Kalau bersifat boros dan habur;

Jimat cermat sahaja akan ubatnya,

Jika tak mahu harta terkubur.

Bidal Melayu sedia berkata:

"Nak kaya berdikit-dikit,

Nak ramai bertabur urai";

Masa mewah ramai, sudah papa keseorangan.

U.Kk. 31 Januari 1955